

PRONI mjesečni bilten

JUL 2010. godine



SADRŽAJ

- Posjeta mladih sa Kipra P.1
- Volonteri PRONI-a na 2KM P.2
- CIVITAS Kamp u Brčkom P.3
- Radionica sa Elementalom P.4
- Radionica o ženskim pravima P.5
- Nešto više o PRONI-u P.6

Mladi sa Kipra u posjeti BiH

PRONI Centar za omladinski razvoj Brčko distrikta BiH bio je domaćin grupi od 15 mladih sa Kipra, dva omladinska radnika i jedna omladinska radnica, učesnicima razmjene iz organizacije Network for youth development Cyprus. Njihov put u BiH je podržan od strane UNDP-a sa Kipra, u vremenu od 1.-9. jula 2010. odine.

Cilj ove razmjene bio je da mladi uporede život mladih na Kipru i u Bosni i Hercegovini u različitim oblastima: obrazovanju, slobodnom vremenu, interesovanjima, zdravlju, itd.

Pored Brčkog, mladi sa Kipra su posjetili Sarajevo, Zenicu i Doboj. U ovoj razmjeni su pored PRONI volontera učestvovali volonteri i aktivisti Vermoneta i Izvora.

Tokom tri dana u Brčkom grupa je posjetila vjerske objekte, Omladinski centar, obišla grad, imala sastanak sa referentom za problematiku mladih Vlade Brčko distrikta, posjetila omladinski klub Ivici, te u večernjim satima učestvovala u radioicama na temu multikulturalizma i aktivizma mladih u multikulturalnim sredinama.

Tokom posjete Omladinskom klubu Ivici mladi sa Kipra su upoznali volontere-omladinske radnike, članove kluba te vidjeli kakve aktivnosti klub realizuje i upoznali sa njihovim načinom druženja kroz sport, edukaciju i zabavu.

Turnir u odbojci na pijesku

U sklopu tradicionalne kulturno-sportske manifestacije "Savski Cvijet" u Brčkom i ove godine je organizovano takmičenje u "Beach volleyball". Organizator ove manifestacije je Vlada Brčko distrikta Odjel za privredni razvoj, sport i kulturu, a PRONI Centar za omladinski razvoj Brčko distrikta BiH je i ove godine implementator ove aktivnosti zajedno sa odbojkaškom akademijom "AS".

Turnir traje od 29. i 30. jula 2010. godine. Nagrade za osvojena prva tri mjesta su pehari i zahvalnice.

Posjeta mladih sa Kipra!!!

Posjeta Omladinskoj informativnoj Agenciji - OiA (4.7.2010)

Mladi sa Kipra, sa omladinskim radnicima i volonterima PRONI-a su u okviru razmjene posjetili OiA (Omladinska informativna agencija) gdje im je predstavnica OiA predstavila rad agencije, te različite statistike u vezi sa mladima u BiH. Mladi sa Kipra su imali pitanja u vezi sa zakonima i pravilima o prodaji cigareta i alkohola maloljetnicima, te pitanja oko sistema obrazovanja u BiH.

Posjeta Omladinskoj inicijativi za ljudska prava Sarajevo, YiHR (5.7.2010.)

U YiHR-u (Omladinska inicijativa za ljudska prava) mladima je predstavljen aktivizam organizacije, te projekat "Građanin, to sam ja".

Ovom prilikom PRONI volonteri i aktivisti su dogovorili posjetu YiHR u Brckom, koja se naknadno realizirala.

Posjeta KULT-u

Mladi iz Brckog i sa Kipra su odsjeli u Spajalici, hostelu koji vodi organizacija KULT sa Ildize

Sem spavanja, KULT se pokazao dobrim domaćinom, tako što je grupi mladih gostiju sa Kipra i iz Brčkog prezentovali rad udruženja KULT, aktivizam i volonterizam koji oni sprovode.

POVJERENSTVO ZA KOORDINACIJU PITANJA MLADIH BiH

Zajedno sa omladinskim radnicima sa Kipra, 15 mladih sa Kipra, te volonteri i volonterke PRONI Centra za omladinski razvoj su posjetili i zgradu Parlamenta BiH, gdje su imali prezentaciju rada Povjerenstva za koordinaciju pitanja mladih BiH. Rad povjerenstva, te odgovore na pitanja kako i zašto je Povjerenstvo formirano dao je član Povjerenstva Emil Balavac. Pored pitanja o Povjerenstvu Emil je ovom prilikom odgovorio i na brojna pitanja u vezi sa funkcionisanjem političkog sistema BiH.



PRONI volonteri iz Bijeljine učesnici Druge Konferencije Mladih BiH!!!

U Banjaluci je 30. jula 2010. godine završena Druge konferencija mladih Bosne i Hercegovine. Rame uz rame su radili, družili se i zabavljali Banjalučani, Tuzlaci, Zeničani, Bijeljanci... mladi iz 11 BiH gradova. Svako od njih u banjalučkom Domu omladine imao je svoj prostor za rad - vrijedno su slikali, plesali, glumili, fotografisali, ali i razgovarali o životu u sredinama iz kojih dolaze. Svakog muče njihovi problemi, raduju male stvari, a ujedinjuju ideje zajedništva i rušenja stereotipa.

Vanja i Ivana Marković, Bojana Hadži-Stević i Maja Mrković, volonterke PRONI Centra za omladinski razvoj iz Bijeljine su ove godine bile učesnice Druge konferencije mladih. Ivana, Vanja i Bojana su kao volonterke pomagale u radu konferencije, dok je Maja učestvovala na fotografskim radionicama i njene fotografije su prikazane na završnoj izložbi. Završna večer je priređena izložba svih radova, koja je bila prodajnog karaktera a novac sakupljen od izložbe ide u humanitarne svrhe. Nakon toga za učesnike je priređen After party u DFK (Demo-fest klub) na kome je nastupala DJ JACK-ASS, Dijana Teškić.

Da napomenemo da je PRONI ujedno bio i partner, odnosno volonter PRONI-a su pomogli u organizaciji ove konferencije. A njihove utiske sa konferencije ćete moći pročitati u narednom biltenu.

CIVITAS kamp u Brčkom!



CIVITAS kamp je već deveti put za redom organizovan u Brčkom u periodu od 1.-5.jula 2010. godine. I ove godine je devet trenera PRONI Centra za omladinski razvoj Brčko distrikta BiH, iz PRONI baze trenera, radilo na ovom kampu. Na kampu je učestvovalo oko 300 učesnika: učenika, nastavnika, profesora, pedagoga i direktora iz osnovnih i srednjih škola širom cijele BiH, trenera i koordinatora CIVITAS-a. Učesnici su predstavnici škola i gradova, učenici, pobjednici projekata "JA GRAĐANIN", koji

su smišljali projekte na osnovu problema u svojoj zajednici. Učenici su istraživali i tražili rješenja tih problema, a neki su već uspjeli da svoj projekat sprovedu u djelo.

Svih ovih pet dana oni su vrijedno radili i dalje istraživali probleme, kojih je puno u našoj zemlji, pravili planove akcije i tražili rješenja tih problema u novim grupama, formiranim na kampu. Treninzi su se odvijali u I OŠ i JU Gimnaziji "Vaso Pelagić", a dva radna dana su provedena u bašti restorana "Holiday" u Brci, gdje su imali oranizovane sportske aktivnosti u pauzama između radionica. Tokom večernjih sati za njih su organizovane zabave i druženja učesnika. Svaka grupa je na radionicama pravila maskotu grupe, grb i plan akcije vezano za problem koji su u grupi izabrali, a sve to su na kraju prezentovali pred učesnicima kampa i tokom prade po gradu građani Brčkog su mogli da vide rezultate njihovog rada. Za njih su bila organizovana večernja druženja i odlazak u diskoteku, stvorene su i neke nove simpatije, a treneri PRONI-a su uživali u ovom petodnevnom radu sa njima.

Radionica sa Lence Lopezom!!!

Mladi gitaristi iz Brčkog su 22.07.2010. godine imali radionicu sa Lence Lopezom.

U okviru kulturno-sportske manifestacije Savski cvijet 2010. u saradnji sa Vladom Brčko distrikta BiH, Pododjel za privreni razvoj, sport i kluturu, PRONI je organizovao radionicu sa Lence Lopezom za mlade iz Brčko distrikta. Lence Lopez i bend su bili veoma zainteresovani da sa mladima porazgovaraju o muzici koju sviraju, sebi, bendu i umijeću sviranja bluesa.



OBUKA CBIB-a ZA PISANJE IPA PROJEKATA U BRČKOM

Katarina Vučković, Menadžer za omladinski rad u PRONI Centru za omladinski razvoj, učestvovala je u obuci za pisanje IPA projekata prekogranične saradnje koja je organizovana u Brčkom od strane CBIB-a (Cross Border Institution Building). Obuci su pored NVO sektora učestvovali i službenici Vlade Brčko distrikta, predstavnici Privredne komore, Policije i drugih institucija Brčko distrikta BiH.

U 3 dana obuke učesnici su u izmješanim grupama radili na studiji slučaja, odnosno kako napisati koncept pismo, aplikaciju i proračun za projekat.

PRONI je dobio i vaučer CBIB-a za podršku u pisanju projekta za slijedeći rok.

Radionica sa Elementalom



U okviru sportsko-kulturne manifestacije u Brčkom Savskog cvijeta zagrebačka grupa Elemental je održala kraću radionicu o hip-hopu sa mladima iz Brčkog koji se bave hip hopom ili podržavaju rad hip-hop i rap muzičara.

Tokom sat i pol, koliko je trajala radionica, Remi i Shot su razgovarali sa mladima iz Brčkog kako se promovisati, da li je kvalitet demo snimaka bitan, kakve ideje prolaze kod izdavača, i da li je izdavač neophodan.

Razgovori su se vodili i o tome šta je potrebno za uspjeh, ali i kako "ostati na

zemlji", te o razvoju hip-hop scene u Hrvatskoj, saradnji sa BiH muzičarima i slično.

Mladi su imali šansu da se fotografišu poslije sa cijelim bendom, a dio njih je bio kao pred grupa Elementalu. Grupa mladih pod nazivom EK, koja ima podršku PRONI Centra, nastupila je sa nekoliko hip-hop pjesama i plesnom tačkom, poslije čega je nastupao Brčko Beatz. Koncertu je prisustovalo oko 2000 ljubitelja hip-hop muzike

U POSJETI OMLADINSKOJ ORGANIZACIJI ANEA

Omladinska organizacija ANEA iz Gračanice je organizirala 2 Favour fest. Festival pored radionica za djecu, igraonice za najmladje ima i muzicki sadrzaj. 6 PRONI volontera i volonterki je zajedno sa omladinskim radnicima posjetilo festival 2 dana. Kada je nastupala grupa Elemental.



PRONI započeo rad na novom projektu !!!

"Pro **ACT**ive youth for their friends" je naziv novog projekta PRONI Centra za omladinski razvoj Brčko distrikta BiH, koji adresira problem uključivanja mladih u rad u vezi sa ravnopravnosti spolova sa posebnim fokusom na borbu protiv nasilja nad ženama i djevojkama.

Cilj projekta je potaknuti više mladih ljudi da postanu proaktivni građani koji će poduzeti akciju u edukaciji i informiranju vršnjaka o tome kako se nositi s problemom nasilja nad ženama i djevojkama, na način blizak mladima.

Projekat će biti realiziran na području Brčkog, Bijeljine i Gračanice, i trajaće 6 mjeseci. Tokom projekta PRONI će kontaktirati udruge žena u svim navedenim gradovima, kao i udruge koje se bave mladima. Na projektu radi 6 PRONI volontera i volonterki, a aktivnosti u projektu su: snimanje kratkog filma, rad na izradi priručnika, ulične akcije i slično. Finacijski projekat održava UNIFEM i Forum Syd Balkan programe.

Radionica o ženskim pravima



Jednodnevna konferencija pod nazivom "Razvoj zajednica ugroženih PRONI Centar za omladinski razvoj Brčko distrikta BiH je zajedno sa organizacijom CURE organizovao jednodnevnu radionicu namijenjenu mladim ženama iz Brčko distrikta sa ciljem da im se pruži nevakidna prilika da se upoznaju sa osnovnim paketom ženskih ljudskih prava i da upoznaju "njenu priču", "HER story".

Organizatori se zahvaljuju djevojkama i ženama, učesnicama radionice, koje dolaze iz UG Brčansko srce, Udruženja oboljelih od multiple skleroze, Omladinskog Centra Vermont i Udruženja Distrofičar.

Putujuće feminističke radionice su organizovane u 15 bosanskohercegovačkih gradova i sastoje se od izložbe, promotivnih materijala, kvizova o ženskim ljudskim pravima, statistikama o stepenu nasilja protiv žena u svijetu, istraživanjima i anketiranjima, radionicama i FEMplayliste. U Brčkom su učesnice imale priliku upoznati se sa ciljevima projekta Putujuće feminističke radionice, pojmovima spol i rod, „HERstory“ – ženskom istorijom kroz vrijeme i prostor, video projekcijom "Dok nasilje ne prestane".

Program je dizajniran za lični rast polaznica, koji osigurava individualno učenje kao i rad u timu, te siguran prostor u kojem svaka prima podršku, potiče kreativnost i originalnost svake učesnice. Fondacija CURE edukuje mlade žene s ciljem mijenjanja stavova o rodosti i spolnosti, te ukidanju diskriminatorских i stereotipnih odnosa rodova i spolova. Kroz naše radionice osnažujemo učesnice koje inspirišemo snagom i dostignućima žena svijeta kroz „HERstory“ – ženska istorija kroz leće vremena.

Sve radionice su realizovane zahvaljujući podršci CFD i Švajcarske ambasade.

OMLADINSKA INICIJATIVA ZA LJUDSKA PRAVA YiHR

Projekat Građanin, to sam ja je gostovao i u Brčkom. Promoterski štand sa flajerima, naljepnicama i aktivistama bio je na Trgu mladih 16.07.2010. godine. Isti dan YiHR je održala i radionicu sa mladima u Brčkom u PRONI organizaciji, razgovarajući o tome: šta znači biti građanin, šta je to država, kakve promjene mladi žele u BiH i sl.

Njihova poruka je:

Kampanja „Građanin, to sam ja“ je aktivistička mreža „Moja inicijativa“ ima za cilj aktiviranje mladih ljudi, te jačanje njihove uloge u izgradnji građanskog društva. Mladi mogu mijenjati svijet, djelovati na zaštitu ljudskih prava i sloboda, sami stati u borbi protiv ksenofobije, nacionalizma i fašizma. Nećemo više biti tišina, od danas možemo biti samo glasniji i glasniji. Mi smo promjena.

Ne moramo biti istomišljenici u svemu, dovoljno je samo da želimo da učinimo promjenu. Postani faktor, postani dio mreže koja će mijenjati cijelo društvo. Ako želiš da budeš promjena i djeluješ u okviru lokalnih aktivističkih jedinica, javi se na: gradjanin@mojainicijativa.org



Nešto više o PRONI-u

Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama Brčko distrikta.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta, grupni i timski rad.

Omladinska politika

PRONI se već duže vrijeme bavi razvojem omladinske politike za Brčko distrikt u saradnji sa drugim omladinskim organizacijama, te razvojem i promocijom omladinske politike u Bijeljini.

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija:

PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.

PRONI Centar za omladinski razvoj

Ul. Bosne Srebrene br. 16.
76101 Brčko
tel/fax: +387 49 217 695

Ul. Ivana Gorana Kovačića br. 5.
76000 Bijeljina
tel: +387 55 213 046

pronibrco@teol.net
www.pronibrcko.ba